




JAN
2026

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reviu filem, puisi, mahupun cerpen.

Demi Pendidikan,

Merdeka!



BIKIN APA?



Bengkel Fasilitator-Majlis Orientasi Cahaya(MOC2026)

Graduan MRSM Sandakan menyertai bengkel fasilitator yang dianjurkan oleh Cahaya Society dan di bantu oleh Kelab Alumni Cahaya. Bengkel ini bertujuan untuk melatih para graduan menjadi fasilitator yang efektif bagi Majlis Orientasi Cahaya, dengan fokus pada kemahiran komunikasi, kepimpinan, dan pendekatan inklusif untuk pelajar baru. Peserta menunjukkan semangat tinggi dan keterujaan untuk mengaplikasikan ilmu yang diperoleh, sekaligus menyokong perjalanan orientasi yang lebih bermakna bagi semua pelajar.



Rotary Club Sandakan North 山打根北区扶轮社 x Cahaya Society

Ahli Rotary Club Sandakan North mengunjungi Cahaya Society sebagai usaha membina jaringan antara NGO dan mempererat silaturahim. Dalam lawatan ini, Kelab Alumni Cahaya membentangkan latar belakang dan perjalanan Cahaya Society, memberikan pemahaman mendalam tentang misi dan program yang dijalankan bagi komuniti rentan di Sabah dan membuka ruang kerjasama serta pertukaran idea yang bermanfaat antara pihak NGO.



Sabah Skills & Technology Centre(SSTC) x Cahaya Society

Pasukan Sabah Skills & Technology Centre (SSTC) mengunjungi Cahaya Society untuk berbagi pengalaman dan idea mengenai pembangunan modal insan dalam komuniti rentan di Sabah. Perbincangan berlangsung hangat dan ini membuka peluang kerjasama di masa depan.



Emerging Entrepreneur Workshop #2

Cahaya Society berpeluang mengikuti kelas kedua Program Usahawan 2025/26 yang dianjurkan oleh Future Alam Borneo bertempat di Urban Cafe IJM, Sandakan. Bengkel ini bertujuan membina kemahiran keusahawanan muda, menggalakkan inovasi digital, dan memperkukuh jaringan bisnes di kalangan peserta. Pasukan Cahaya mempelajari banyak perkara tentang digital marketing dan pengurusan website, sambil berjumpa rakan baharu dan bertukar idea bisnes, memperluas jaringan serta inspirasi keusahawanan.



YELL Seed Grantee Workshop 2025 2026

Cahaya Society diwakili oleh Tim dan Wadzkir dalam YELL Seed Grantee Workshop. Workshop ini memberi bimbingan kepada penerima geran untuk memperkukuh kemahiran pengurusan projek dan pelaksanaan inisiatif komuniti. Dalam sesi ini, peserta berkongsi pengalaman dan projek masing-masing, termasuk projek Cahaya Society yang menekankan pendidikan alam sekitar untuk kanak-kanak rentan, sambil membina jaringan dan bertukar idea inovatif dengan penerima geran lain.



Jelajah Solidariti 2026

Cahaya Society melancarkan jelajah solidariti ke Selangor dan Negeri Sembilan, bertemu rakan NGO dan sekolah refugees untuk belajar dan menyampaikan mesej advokasi dari Sabah. Jelajah ini bertemakan "Make The Invisible Visible", menekankan kepentingan memperlihatkan isu kanak-kanak dan komuniti rentan yang sering terlepas pandang serta membina jaringan antara organisasi. Sampai jumpa lagi di pertemuan seterusnya !



Cahaya Kit Distribution By Rotary Club Sandakan North

Cahaya Society mengucapkan terima kasih kepada rakan-rakan Rotary Club yang telah menghadihkan Cahaya Kit kepada anak-anak Cahaya. Aktiviti ini memberi peluang kepada kanak-kanak untuk menulis dan melukis cita-cita mereka, sambil menggalakkan kreativiti dan imaginasi. Cahaya Society berharap dapat terus bekerjasama dengan individu dan organisasi yang ingin menyokong perkembangan pendidikan dan kreativiti anak-anak rentan.



Pusat Internet NADI Batu Sapi x CS-Literasi Digital

Cahaya Society meneroka literasi digital sebagai elemen baharu dalam program pemberdayaan komuniti. Bersama Cik Asiken di Pusat Internet NADI Batu Sapi, perbincangan diadakan untuk mengenal pasti ruang kerjasama dan memperkukuh peluang pembelajaran digital bagi komuniti setempat. Terima kasih Cik. Asiken atas perkongsian nya !

BIKIN APA?



Majlis Orientasi Cahaya(MOC)

Cahaya Society menganjurkan Minggu Orientasi Cahaya (MOC) di Cahaya Learning Centre untuk membantu pelajar komuniti rentan menyesuaikan diri dan memahami nilai CLC. Program ini melibatkan belia sukarelawan dan graduan MRSM Sandakan. Aktiviti seperti mural 'A Wall of Hope', sesi refleksi, dan rakaman Stories from Cahaya memperkukuh rasa selamat, kebersamaan, dan pengalaman bermakna. MOC meninggalkan legasi fizikal dan naratif yang menguatkan nilai kemanusiaan dan pendidikan alternatif.




Sesi Meet & Talk : Peserta YSP 2026

Cahaya Society yang dipimpin oleh Tim telah mengadakan sesi pertama Meet & Talk bersama belia-belia yang akan menyertai kelas kemahiran sederhana tahun ini. Sesi ini memberikan penerangan berkaitan Kelas Asas Menjahit dalam rangka program YSP 2025/26, bertempat di Pusat Kemahiran Cahaya, Sandakan.



Adam: Sukarelawan Muda Menghidupkan Kelas Literasi Inggeris

Adam, sukarelawan berusia 17 tahun baru saja sertai pasukan Cahaya society, memulakan kelas Literasi Inggeris bersama anak-anak Kelas Adicita di Cahaya Learning Centre. Dalam ruang yang sederhana, Adam berkongsi pengetahuan dengan penuh semangat, membuktikan bahawa usia bukan penghalang untuk memberi impak. Kelas pertama berlangsung dengan ceria dan menyeronokkan, dipenuhi gelak tawa dan keberanian mencuba. Walaupun lidah masih “melintang”, anak-anak berani bercakap English, menjadikan sesi ini langkah awal yang bermakna dalam perjalanan pembelajaran mereka.



Latihan Dalam Kumpulan(LDK) : Bumi Tanpa Manusia

Kelas Adicita memulakan sesi dengan Latihan Dalam Kumpulan (LDK) pertama bertemakan Bumi Tanpa Manusia. Melalui perbincangan ini, para pelajar meneroka imaginasi dan pandangan mereka tentang apa yang akan berlaku kepada haiwan, laut, dan tumbuhan jika manusia tiada. Sesi ini dipenuhi idea yang kreatif dan kritikal, membuka ruang pembelajaran yang menyeronokkan serta menggalakkan pelajar untuk terus berfikir dan belajar.



CERITA DARI BAWAH

Menanam Ilmu, Menyemai Lestari

Kelas Pendidikan Alam dan Manusia telah dilancarkan pada tahun ini selaras dengan komponen utama projek inisiatif “*Roots of Sustainability: Environmental Education for Marginalised Children*”, yang bertujuan memberi ruang dan peluang kepada kanak-kanak marginal untuk mempelajari asas pendidikan alam sekitar secara berstruktur dan inklusif.

Antara topik utama yang diketengahkan dalam sesi pembelajaran ialah pencemaran alam sekitar, pengurusan sisa secara lestari dan kepelbagaian biodiversiti. Pendekatan pembelajaran di dalam dan luar bilik darjah dilaksanakan bagi merangsang pemahaman kanak-kanak terhadap isu-isu alam sekitar secara lebih menyeluruh, sekali gus menerapkan nilai kesedaran, tanggungjawab dan rasa cinta terhadap alam sejak usia muda.

Dengan sokongan penuh daripada UNDP melalui Geran Benih 2025 Youth Environmental Living Labs (YELL), Cahaya Society akan melaksanakan program ini secara berterusan sebagai platform pendidikan awal yang holistik, bagi membentuk generasi muda yang berpengetahuan, prihatin terhadap alam sekitar serta mampu menjadi agen perubahan dalam komuniti mereka pada masa hadapan



BULAN DEPAN, BIKIN APA?

W A R T A C A H A Y A

Majlis Sungkai Cahaya 2026

MSC2026 merupakan program tahunan Kem Sungkai bersama Komuniti Cahaya yang diisi dengan aktiviti berbuka puasa, qiamulail, tadarus al-Quran dan bersahur bersama.

Bikin Sungkai 2026

Program bersama sukarelawan dalam pengagihan Nasi Ayam Kunyit kepada rakan jalanan melalui tajaan awam menerusi program Sungkai Percuma.

Ramadan Untuk Semua

Sumbangan pek prihatin cahaya kepada komuniti rentan sekitar Sandakan sebagai persiapan kepada menyambut Ramadan 2026.

GARAJ CAHAYA



W A R T A C A H A Y A



IMBAS UNTUK
DAFTAR
AHLI



RM5
ONLY

GRAB YOURS NOW:



TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

🌐 cahayasociety.org
✉ cahayasociety@gmail.com
☎ 089 666 915